

AUGA LIMPA E SANEAMENTO: POR QUE É IMPORTANTE

A auga é o elemento principal da vida, fundamental para as persoas e para o resto de seres vivos é, sen dúbida, un recurso esencial para as sociedades e culturas do mundo enteiro. Pero, que sabemos sobre a auga?, cantas persoas teñen acceso a este recurso?, estamos a coidar este ben universal?

Segundo Nacións Unidas, a escaseza de auga afecta a máis de 40% da poboación mundial e esta porcentaxe podería aumentar.

A auga sucia non pode lavarse, por iso para as nosas entidades é fundamental concienciar sobre a importancia de **protexer e coidar a auga**, debido a que non se trata dun produto de consumo, senón dun ben natural esencial para as xeracións futuras e para o noso planeta. Coidala está nas túas mans.



OBXECTIVOS
DE DESENVOLVEMENTO
SOSTIBLE

GARANTIR A DISPOÑIBILIDADE E A XESTIÓN SOSTIBLE DA AUGA E O SANEAMENTO PARA TODAS AS PERSOAS.

A AUGA SUCIA NON PODE LAVARSE

(Proverbio africano)

Coidala está
nas túas mans



OBXECTIVOS
DE DESENVOLVEMENTO
SOSTIBLE



ACCESO Á AUGA

O acceso a auga, saneamento e hixiene é un dereito humano, con todo, millóns de persoas seguen enfrontándose a diario a enormes dificultades para acceder aos servizos máis elementais.

3 de cada 10 persoas no mundo carecen de acceso a servizos de auga potable.

Aproximadamente **1.800** millóns de persoas en todo o mundo utilizan unha fonte de auga potable que está contaminada por restos fecais.

297.000 nenos/as menores de cinco anos morren cada ano por diarrea relacionada coa falta de auga potable, saneamento e hixiene.

*Datos ONU

A AUGA, UN BEN UNIVERSAL?

O acceso básico á auga é un dereito universal. Con todo, a auga corrente é concibida como un produto comercial privado, suxeito á especulación. Isto supón que moitas persoas en situacións vulnerables non poidan pagar polo seu acceso.

As grandes multinacionais priman o seu beneficio económico antes que a protección dos recursos, en ocasións sobreexplotando acuíferos e vertendo refugallo ao mar.

Grandes empresas multinacionais extraen anualmente máis de **100** millóns de litros de auga para producir comida lixo.

Hai previsión de que a causa principal das futuras guerras será polo control das fontes de auga doce.

IGUALDADE E XUSTICIA DE XÉNERO

En moitos países, as mulleres son as encargadas de traer auga á casa, a miúdo en detrimento da escolarización ou o traballo remunerado. O transporte constante de cargas pesadas e durante longas distancias implica riscos sanitarios graves. O mesmo ocorre coa falta de auga e de saneamento, xa que cando os membros do fogar enferman, principalmente as mulleres asumen o coidado das persoas.

No **80%** dos fogares que carecen de auga, as mulleres e as nenas son as responsables de recollela e transportala ás súas casas.

Entre 1990 e 2010, **2000** millóns de persoas puideron acceder á auga potable.

Con todo, as mulleres aínda dedican **16** millóns de horas ao día a buscar auga en 25 países subsaharianos.

*Datos ONU Mulleres

PRINCIPIOS DA DEMOCRACIA DA AUGA

- A auga é un don da natureza.
- A auga é esencial para a vida.
- Toda vida está interconectada a través da auga.
- A auga destinada ás necesidades básicas debe ser gratuíta.
- A auga é limitada e pode esgotarse.
- A auga debe conservarse.
- A auga é un ben común.
- Ninguén ten dereito a malgastar a auga.
- Non hai substituto posible para a auga.

CADA XESTO CONTA

Necesitamos unha nova cultura da auga baseada no aforro, o aproveitamento e a optimización da súa xestión.



Duchas curtas. Dándonos pequenas duchas en lugar de bañarnos axudaranos a aforrar unha gran cantidade de auga.



Pechando a billa. Mentres nos lavamos os dentes ou cando enxaboamos o noso corpo, é conveniente pechar a billa para non malgastar a auga.



Evitar tirar o lixo ao retrete. Evitando así contaminar os lagos e ríos, elixes protexer o medioambiente.



Reutilizar a auga. Podemos darlle un segundo uso á auga, reciclando, por exemplo, a auga de lavar a froita para regar as plantas.



Lavadora e lavalouzas. Cando vaias poñer unha lavadora ou o lavalouzas asegúrate de que a carga estea completa.



Compra roupa de segunda man. Necesitaranse máis de 2700 litros para producir unha camiseta de algodón.



Evitar produtos alimentarios ultraprocesados. Producir unha bolsa de patacas fritas require máis de 185 litros de auga.



Evitar o uso de produtos plásticos. Estímase que hai máis de 250.000 toneladas de plástico flotando no mar. Cada segundo 200 quilos de lixo van parar aos océanos. España tira 126 toneladas de plástico ao día a mares e océanos.

Que outras formas de coidar a auga se che ocorren?